

BERANGO. Lotzarienean eta Intxaurragan 16na etxe egingo dira

VERONICA MUNOZ

Lantzarte auzoan eregiko dabez lehenengo 12 etxebizitza sozialak, eta alokatzeko izango dira.

Zemendian hasiko dira 12 etxebizitza sozial eregiten

Premina handia daukien herriko familiei alokatuko deusieez

Veronica Muñoz |

Datozan zazpi urteotan 50 etxebizitza sozial inguru eregiteko proiektua daukie Berango; izan be, lehenengo 12 etxebizitza sozialak eregiteko beharrak zemendian hasiko dabez, Miren Dobaran herriko alkateak atzo azaldu ebanez. Alokatzeko etxebizitzak egingo dauz Eusko Jaurlaritzak Lantzarte auzoan, Udalak lagatuko orubean.

Lantzarte auzoko etxebizitzak herrian premina handiak daukiezan familientzat izango dira seguruenik, alkatearen azalpenetan. Dana dala, izena emoteko epea amaituta dago, eta orain Eusko Jaurlaritzak etxebizitzak banatzeko baldin-

tzak ezarri beharko dauz, eta horreezen arabera zotz egingo dauz.

Horrezaz ganera, Lotzarienean auzoan beste 14 edo 16 etxebizitza sozial inguru eregi gura dauz Berangoko Udalak, Eusko Jaurlaritzaren bitartez; eta Intxaurraga auzoan, azkenik, beste 16 etxebizitza sozial eregiteko proiektua daukie.

Lotzarienean auzoan etxebizitzak egiteko pauso guztiak aurtun egingo dauz Udalak, eta datorren urtean Intxaurragakoak egiteko lehenengo pausoak egingo dabez.

Gazteek etxea erosi gura dabe

Lantzarte auzoko etxebizitzak alderatuta, Lotzarienean

eta Intxaurragan eregi gura dabezanak, seguruenik, erosteko etxebizitzak izango dira, eta batez be herriko gazteentzat egin gura dabez. Izan be, alkatearen azalpenetan, «gazteek ez daukie alokatzeko kulturarik, eta getxebizitza erosi gura dabe, prezio onean».

Miren Dobaranen arabera, datozen urteotan egingo dabezan etxebizitzak kopurua «egokia da herrian dagoan preminean beteteko, batez be kontuan hartuta Berangok 5.000 biztanle inguru daukazala». Halandabe, bere berbetan «Udalak daukan lur zati bakotxan etxebizitza sozialak eregiteko tartea erabiltea geure lehentasuna izango da, preminen arabera beti».

dauenak 8.000 pezeta ordaindu beharko dauz. Beste alde batetik, Ongizate Sailak egindako agiria aurkeztu ezkerro ikastaroa doan egiteko aukerea eukiko dabe leioarrek.

Kultur Etxeko ikastaroetan izena emoteko epea irailaren 28ra bitartean egongo da zabalik. Matrikulea egin gura dauenak Leioako kultur etxean egin leike, Sabino Arana kaleko egoitzan, edo Pinuetako kultur etxean, Lapurdi kaleko 3an. Informazino gehiago jasoteko telefonoa ondorengo da: 94 480 46 60.

LEIOA. Izena emoteko epea irailaren 17tik 28ra bitartean zabalduko dabe

16 tailer gertau dauz Kultur Etxeak, tartean euskerea eta istorio laburrena

V.M. |

Leioako Kultur Etxeak 2001-2002 ikasturterako tailer bariak gertau dauz, eta izena emoteko epea irailaren 17an, datorren astelehenean zabalduko dabe.

Margotzeko, eskulanak egiteko, euskerea ikasteko, zura lantzeko, istorio laburrak idazte-

ko...; era askotako ikastaroak gertau dabez aurtun, adin guztietako herritarrentzat, umeei zein helduei zuzenduta.

Ikastaroak urrian hasiko dira, eta bagila arte iraungo dabe. Tailer bakotxan izena emoteko prezioa 16.000 pezetakoa izango da, istorio laburrak idazten ikasteko tailerra izan ezik; izan be, horretan parte hartu gura

LAGURREAN

BERANGO

Infernueta mendia laster txukunduko dabe, eta udaletxean sartzeko aldapa berezia egin gura dabe

Infernueta mendia txukuntzeko proiektua onartu dau Berangoko Udalak. 2.000 metro koadroko mendian egingo dabezan beharretarako milioi bi pezeta erabiliko dabez. Mendia gaur egun oso egoera latzean dago; hori dala eta, inguru guztia garbituko dabe, eta horren ostean 15 eta 20 mota ezbardinetako zuhaitzak landatu gura dabez. Horrezaz ganera, asmoa da mendian zehar ibilteko bidetxoak egokitzea, herritarrek mendia bisitatu daien. Beharrak zemendian hasiko dira. Horrezaz ganera, udaletxean hainbat behar egiteko hiru milioi pezeta erabiliko dabez. Besteak beste, aldapa berezia egingo dabe, elbarrituek udaletxean arazorik barik sartu ahal izateko.

BERANGO

Herri bazkaria gertau dabe erretirau eta pentsionistentzat

Karabizpi Jubilauen Alkar-teak Berangoko jubilau eta pentsionista guztientzako bazkari herrikoia gertau dau, irailaren 22rako. Zapatu eguerdian egingo dabe bazkaria, 14:00etan hasita, herriko pelotalekuan; eta bazkaldu ostean, Koldo Itube trikitilariaren emonaldia izango da. Bazkarian parte hartu gura dauenak txartela erosi behar dau, Berangoko Nagusien Etxean zein Kultur Etxean. Txartelak 1.000 pezetan dagoz, eta hilaren 18a arte erosi leitekez.

LEIOA

Aldekoane auzoko 64 etxebizitzak zemendian zotz egingo dabez

Babes ofizialeko 64 etxebizitza eregiten dago Eusko Jaurlaritzak Leioan, Aldekoane auzoan, herriko Udalagaz sinatutako hitzarmenari esker; zemendian zotz egingo dabez etxebizitzak, atzo herriko alkateak azaldu ebanez. Guztira 400 lagun inguruk egin dabe Aldekoanen etxebizitza bat eskuratu ahal izateko eska-rea. Udalak Jaurlaritzagaz sinatutako hitzarmenaren arabera, leioarrek baino ez dabe zozketan parte hartzeko aukerearik izango.

LEIOA

Amaia kalean beharrak egingo dabez datozen lau hilabeteotan, saneamendu sarea konpontzeko asmoz

Amaia kalean saneamendu beharrak egiteko proiektua onartu dabe; beharrak oraintsu hasi dira, eta Pinueta auzorako zerbitzua hobetzeko asmoz egingo dabe obrea. Udalak onartutako aurrekontua 116 milioi pezetakoa da; izan be, beharren bitartez sare osoa aldatuko dabe, arazoak emoten ebazalako, eta sare barria ipiniko dabe. Datozen asteotan Amaia kaleko zenbait tarte itxita egongo dira, aitatutako beharrak dirala eta, batez be Amaia kalean sartzeko inguru osoan. Proiektua lau hilabete barru amaitu gura dabe, Karmelo Sainz de la Maza Leioako alkateak atzo azaldu ebanez.

LEIOA

Saskibaloia lehiaketea, Sakoneta kiroldegian

Leioako Udalak V.Saskibaloia Lehiaketea gertau dau, gizonezkoen kadete mailan. Lehiaketea bihar hasiko da, eta irailaren 16ra bitartean egingo dabe, Leioako Sakoneta kiroldegian. Bihar izango da lehenengo partidua, arrastiko 17:15etik aurrera. Barikuan eta zapatuan arrastian jokatuko dabez partidua, eta domekan, barriz, goizean zein arrastian izango dira, 9:30ean hasita. Parte hartzen daben taldeen artean aurkitzen dira Saski Baskonia, Pais Vasco Siglo XXI eta Bizkaiko Selekzioa.

ERANDIO

Egun baten gastetako, 500.000 pezeta

Astrabuduako Dendarien Alkar-teak lehiaketea gertau dau, alkar-teko bigarren urteurrena ospatzeko. Zozketak azaroaren 20an egingo dabe, eta irabazten dauenak milioi erdi pezeta irabaziko dauz, egun bakar baten kanpainan parte hartu daben dendetan erosketak egiteko. Dendarien Alkar-teko dendetan erosten daben herritarrei txartel batzuk emongo deusieez. Lehiaketan parte hartu gura dauenak bere datuak idatzi beharko dauz txartelean, eta dendetan dagozan kutxetan sartu.